

道常無名章第三十二

道常無名樸雖小天下不敢臣侯王若能守萬物將自賓天地相合以降甘露民莫之令而自均始制有名名亦既有夫亦將知止知止所以不殆譬道之在天下猶川谷之於江海也

道者虛無自然妙絕難思亘古今而不變謂之常也以其無形不可得而名之故曰無名也樸喻道小謂微也言此道微妙至高至貴天下莫不尊之故曰不敢臣也若侯王得此理以守其國則天下之民自然賓服從其化也天地相合陰陽和也有道者心和心和則氣和氣和則人和而天地之和亦應之矣以和感和天降甘露國之祥瑞和之徵也而天下之

道藏輯要

道德上經釋辭

三

心集九

民隨情感化不待教令自然均平也天下和平始制法度示之以向善去惡之方使之有所禁止而不敢妄爲也知其所止則無殆無危以安其分遂其生也夫道之在天下也無物不有無所不在如川谷之水必歸於海謂天下之理其必歸於道之意也蓋海者眾水之會也道者眾理之會也

知人者智章第三十三

知人者智自知者明勝人者有力自勝者強知足者富強行者有志不失其所守者久死而不亡者壽

明公私之邪正辨善惡之是非謂之知人者智以根塵爲幻假以虛靈爲根本不被物累不爲情牽謂之自知者明以血

氣之勇而勝人爲有力以克去己私而復性爲自強知足者
澹然無欲而無所不足心有餘裕故曰富強行者剛健不息
力行其道故曰有志造次須臾而弗離安心於虛返本還元
與道同其久故曰不失其所守者久朝聞道夕死可矣身沒
而道存死而不亡者壽

大道汎兮章第三十四

大道汎兮其可左右萬物恃之以生而不辭功成不名有愛養
萬物而不爲主常無欲可名於小萬物歸之而不爲主可名於
大是以聖人終不爲大故能成其大

汎者充滿流行之謂大道浩然充足周流於天地萬物之中

道藏輯要

道德上經釋辭

三

心集九

運行不息恍然在左惚在右而無定形無定名也萬物賴之
以生大道何嘗辭其勞萬物賴之以成大道不自名其功萬
物賴之以養大道不自爲之主是以聖人法大道無爲之妙
無欲無私謙卑柔弱可名於小言民不能見其大也及其化
成天下萬物歸之聖人不以自爲尊然後始知聖人道與天
通而民始尊之可名於大也愛之養之歸之大之以任其自
然聖人何嘗容心爲之主無心於民而民歸之無心於大而
民大之一切出之於無心以任其自至雖有濟世之德澤民
之功皆吾性分中之所當爲豈可有心而爲之哉惟謙德之
不足無欲無私無爲無執以順其自然而能功成事遂天下